

Европа Кенгаши Президенти Шарль Мишель Ўзбекистон Президентига мактуб йўллади

Image not found or type unknown

Ўзбекистон Республикаси Президенти Шавкат Мирзиёев Жаноби Олийларига

Жаноби Олийлари,

Мен Сизга ўзимнинг шахсий саломимни ва Европа Иттифоқи ва Ўзбекистон Республикаси ўртасидаги ажойиб ҳамкорлик учун миннатдорлигимни [етказмоқчиман](#).

Мамлакатингиз ва минтақангиз COVID-19 инқироzi ва унинг оқибатлари муносабати билан қандай қийинчиликларга дуч келаётганига қарамай, Ўзбекистондаги ислохотлар жараёни умумий қадриятлар асосида алоқаларимизни янада ривожлантириш учун имкониятлар яратишда давом этаётганини мамнуният билан таъкидлайман. Барқарорлик ва фаровонликнинг асосий элементлари сифатида қонун устуворлигини мустаҳкамлаш, инсон ҳуқуқлари ва асосий эркинликларини ҳурмат қилиш бўйича эътиборингизни мамнуният билан қабул қиламиз.

Европа Иттифоқи Ўзбекистон Республикаси билан яқин мулоқотни давом эттиришга қатъий қарор қилганини яна бир бор тасдиқлашга ижозат бергайсиз. Биз келгуси даврда муносабатларимизни ривожлантириш учун мустаҳкам замин яратадиган янги кенгайтирилган шериклик ва ҳамкорлик тўғрисидаги битим бўйича музокара жараёнларини якунлашдан манфаатдормиз.

Табиийки, биз ҳам 2021-2027 йилларга мўлжалланган Европа Иттифоқининг янги молиявий воситасининг навбатдаги дастур цикли доирасида ўз ҳамкорлигимизни давом эттиришга тайёرمиз. Бизнинг биргаликдаги саъй-ҳаракатларимиз мамлакатингиз атроф-муҳитни тиклаш ва яшил иқтисодиётга ўтишни қўллаб-

қувватлаши мумкин. Иқлим ўзгариши, шу жумладан, Орол денгизи минтақаси муаммоларини ҳал қилиш бўйича сизнинг ташаббусларингизни алоҳида қизиқиш билан қайд этдим.

Шунингдек, минтақавий масалаларга тўхталсак, инқироз даврида минтақавий ҳамкорликни мустаҳкамлаш бўйича Сизнинг ташаббусларингиз ва раҳбарлигингиз учун миннатдорлигимни билдирмоқчиман. Европа Иттифоқи Ўзбекистоннинг бутун Марказий Осиёда, шу жумладан, Афғонистонда ҳамкорлик, хавфсизлик ва барқарорликни ривожлантиришга қаратилган саъй-ҳаракатларини илиқ кутиб олади. Европа Иттифоқининг Марказий Осиё бўйича стратегияси минтақавий ҳамкорликни ривожлантириш учун мустаҳкам асос яратади.

Мен Европа Иттифоқининг Марказий Осиё бўйича махсус вакили, элчи Питер Буряндан ҳукуматингиз билан яқинда бўлиб ўтадиган Ўзбекистонга ташрифи чоғида минтақавий ва икки томонлама ҳамкорлигимизни ривожлантириш учун муҳим соҳаларда муҳокама қилишларини сўрадим.

Мен келажакдаги алоқаларимизни интизорлик ила кутаман, бу шубҳасиз, ҳамкорлигимизни янада мустаҳкамлаш бўйича таклифларни муҳокама қилиш учун имконият яратади.

Самимият ила,

Шарль Мишель,

Европа Кенгаши Президенти